



## Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri  
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè  
factorum pertinentes, breuiter tractantur

**Azor, Juan**

**Coloniae Agrippinae, 1616**

1. Qvibus de causis ras Ecclesiæ alientari queant.

**urn:nbn:de:hbz:466:1-14007**

IOANNIS  
AZORII LOR-  
CITANI E SOCIE-  
TATE IESV,

INSTITUTIONVM  
MORALIVM  
Pars secunda:

LIBER NONVS.

Derebus Ecclesiæ quæ alienari vel non  
alienari queant.

CAPVT I.

Quibus de causis res Ecclesiæ alienari  
queant.

**D**E HAC agitur. q. 11. c. 17. quæst. 3. cap.  
Id constitutus. §. occasions. vñque ad §. sed  
notandum. & 16. q. 6. & 11. quæst. 2. & lib. 3.  
Decretalium tit. 10. 13. est de rebus Ecclesiæ  
alienan. vel non alienandis.

Primo queritur. Quo iure sit alienatio  
rebus Ecclesiasticis prohibita? Respondeo, tum  
Canonico, tum Ciuiile us verius res Ecclesiastum alienari,  
vt constat ex causa 12. quæst. 2. aliquid capita. c. Nulli,  
cap. Si quis presbyterorum, cap. possessiones, cap. Ad audientiam  
de rebus Ecclesiæ alienando, vel non alienandis, & Authentic.  
De non alienan. aut permutan. rebus Ecclesiæ. Autem de Ecclesiæ  
rebus immobiles, alienan. Autem de Emphyteu.  
§. ea vero. Sed leges, & iuria Ciuiilia vim, & locum danta  
xat habent, quatenus iure Canonico confirmantur.

Secundo queritur. Quid in hac parte alienationis no  
mine Canones, leges, & iuria significant? Glossa in cap.  
Nulli de rebus Ecclesiæ alienan. 12. quæst. 2. capit. 1. docet alienationis  
nomen latissime in hac materia sumi: quamvis  
alioqui strictius & pressius sumitur & accipitur in l. 1. C. De  
fundo dotali, vbi dicitur. Et alienatio, omnis actus, per quem  
rei dominum transferit, vbi Glossa, conuerit endam eis  
propositionem, ait, hunc in modum: omnis actus per quem  
rei dominum transferit, est alienatio. & in l. 1. C. de Iure Em  
phyteutico: In emphyteuticum, inquir, neque conductio, ne  
que alienatio est titulus adiungendum, sed hoc ius tertium  
esse constitutus. vbi Glos. noruit, alienationis nomine  
Emphyteutum non contineri, quia res in Emphyteutum  
data potest certis ex causis reuocari, ut habetur in l. 2. C. cod.  
iii. Item, quia dominum rei emphyteutica penes domi  
num remanet: cum tamen in alienatione rei dominum  
ad alterum transeat &c. Alienationes & derer & verb signi  
fic. dicitur: in alienatione usurpacionem contineri, quam  
uis ibi Glossa dicit: Non enim res, que usurpatur potest, alien  
ari potest: nam res litigiosa usurpatur potest, non tamen alienari.

Alienationis igitur nomen in prædicti instituto fusus  
accipitur, nam c. Nulli de reb. Ecclesiæ non alien. sic est: Aliena  
tionis autem verbum continet conditionem, donationem, ven  
ditionem, permutationem, & emphyteuticum perpetuum con  
tratum. Aliqui codices legunt conditionem, alij condi  
tione: ita ut res Ecclesiæ donari nequeat sub condi  
tione: vtputa, dono tibi hoc celibros, si nauis ex Asia venerit.  
Nam sic etiam late sumitur in Sancimus. C. de rebus non ali  
enan. vbi statuit. Statuimus, sine lex alienationem inhib  
uerit, sine testator hoc fecerit. Sine pacto contrahentium hos  
admisserit, non solum dominum alienationem, vel mancipiorum  
manuissionem esse prohibendam, sed ususfructus dationem,

vel hypothecam, vel pignoris nexus penitus prohiberi: simili  
modo, ut servitus minime imponi, neque emphyeutis contra  
ctus, nisi in his tantummodo casibus, in quib. Conſiſtutionum  
auctoritas, vel testatoris voluntas, vel pacti tenor qua  
lienationem interdixit, aliquid tale permisit. Ita lex. Nota  
illud: sine lex alienationem inhibuerit, sine testator, sine pacto  
contrahentium: quoniam his tribus modis soleret aliena  
tio interdic: vt lex Iulii. v. g. prohibet fundum dotalium  
alienari. Item res minorum alienari nequeant. l. i. f. de rebus  
eorum, qui sub tutela sunt. Res item Ecclesiastum, l. sub  
missus. C. de Sacrosanct. Ecc. Aliquando testator veterat aliquid  
alienari extra familiam. l. Cum pater & liberis, & de Legi. 2.  
Aliquando pactio contrahentium, vt si domum meam  
tibi vendidero, eo pacto ne eam alienes.

Voluerunt igitur leges, & Canones hac in parte Alien  
ationis nomen latissime iumere, ita ut in rebus Ecclesiæ  
rum nec possit ususfructus constitui, nec servitus imponi,  
neque res Ecclesiæ pignori dari, speciali hypotheca subjici,  
ia Emphyteutum concedi: & tamen ususfructus, & ser  
vitas in re aliena existunt: & pignus, res est debitoris: & rei  
emphyteutica proprietas, & dominum penes dominum  
reducit. Vnde Baldus, in l. vlt. C. de reb. alienan.  
Prohibita, inquit, alienatione, simpliciter videtur prohibi  
bitus omnis actus, per quem alteri queritur ius aliquid in  
re. Vnde comprehendit etiam contractum, per quem do  
minum vtile transfertur.

Tertio queritur, Quot, & quibus causis res Ecclesiæ  
rum alienari queant? Respondeo cum Glossa 12. q. 11. in  
print. verb. Nunc queritur, quatuor de causis concedi, tra  
lienati queant. Primo, causa necessitatis: vt si Ecclesia re  
alieno grauerit, & aliunde soluendo non sit, ita ut  
fructibus soluere non possit. & Hoc ius 10. q. 11. Secundo,  
causa pietatis, videlicet ad captiuos redimendos, ad pauper  
res alendos: Vnde in c. Aurum 12. q. 11. ex Ambroſio illud re  
fertur: Aurum Ecclesia habet, non ut seruit, sed ut erogat, &  
subueniat in necessitatibus. Et ibidem: Ornatus sacerorum, re  
demptio captivorum est. postea & haec subiunguntur: In his  
tribus generibus (videlicet pauperibus sustentandis, capi  
tuis redimendis, humanais fidelium reliquias, & corporibus)  
vnde Ecclesia etiam initiat, confingere, consolare, vende  
re licet. Idem colligitur ex c. Sanctorum. cap. sicut. eadem cau  
sa, & quæst. 3. Causa utilitatis, ut res melior habentur. Vnde  
in cap. Sine exce. 12. q. 11. constituit Pontifex: Sine exce  
ptione decimus, ne quis Episcop. de reb. Ecclesiæ, ut quicquam de  
nare, vel commutare, vel vendere audiat, nisi forte aliquid ho  
rum faciat, ut meliora perspiciat: In c. Terrulas, &c. Fugiti  
vi, eadem causa & q. præcipitur, ut serui fugitiui, qui ei  
ciam si reuocati fuerint, teneri non possunt ab Episcopis, si  
voluerint, distrahantur. Quarta causa est incommoditatis,  
ut si res suæ magis incommoda Ecclesiæ, quam com  
moda, vel utilis. In eod. cap. Terrulas autem vine exiguæ, &  
Ecclesia minus utilis, aut longe positis parvus Episcopus sine  
consensu fratribus, si necessitas fuerit, distrahendi habeat po  
tentiam. Sed nunquid alij causis præter commemoratas,  
pollunt res Ecclesiæ alienari? Respondeo, causas cæteras  
ad hæc quatuor causarum genera reuocari. Ut si Ecclesiæ  
res aliqua alienari ad censum redimendum, vel ad onus &  
seruitutem extinguendam, quando utilius Ecclesia &  
seruitur liberaretur.

Quarto queritur, Quænam Iuri formula solemnis in  
rebus Ecclesiæ alienandis tenenda sit? Turrecremata vult  
seruandam esse eam formulam, quæ præscribitur in Au  
thent. Hoc ius, de factis. Ecclesiæ, quoniam hæc sit for  
mula ab Iure ciuili tradita, est tamen iuri Canonico in  
serta 10. q. 11. cap. Hoc ius. Conſtant tamen in eis Canonico iu  
ris interpretum sententia, quæ ex Innocent. Glossa & Abba  
te colligitur, eam formulam non esse seruandam: cum non  
sit Iure Canonico constitutum ut ea serueretur, licet à Gratia  
no in suum decretum fuerit translata: neque enim is  
Canonico ius condere potuit. Vnde Felin. in ea. 2. de Re  
scripto probat leges à Gratiano insertas in lib. Decretor. mi  
nimè approbari, ut tanquam Iura Canonica seruentur,

nisi per Auctorem ipsius Canonis comprobentur. Verba Felini ita se habent: *Prædicta Autb. Hoc ius, sicut inforitur à Gratiano in suo decreto, non tam in foritur alicuius Canoni per Auctorem eius, & ita non seruat nec in Canonum Hac ille. Gofredus tradit, seruandum esse formulam: Alij vero, facis esse, si serueretur confucendo illius Ecclesiæ, cuius de rebus alienantur agitur. Nobis vero magis placet, & probatur Hostiensis, Ioan. Andr. Panor. & aliorum sententia: id esse seruandum, quod traditur in e. Sine exceptione, 12. q. 11. sc. vt prius præcedat tractatus: hoc est, vt prius conculetur, sive tractetur, expedit nec ne alienatio. Secundo, vt interueniat consensus Collegij. Tertio, auctoritas superioris. Quarto, vt sit in ipsius Ecclesiæ utilitatem. Quinto, vt accedat subscriptio Clericorum. Nomine superioris intelligitur Episcopus, vel Archiepiscopus, siquidem ea res sit Ecclesiæ Cathedralis vel Metropolitanæ. Sivero sit Ecclesiæ collegialis, vel conuentualis, vel parochialis, sufficit consensus Abbatis, Prioris, vel Rectoris qui id potest, quando tales praefecti sunt ab Episcopo, potestate & iurisdictione exempti. Vnde in Ecclesiis ab Episcopo, exceptis facies est consensus illius superioris, cui proxime pleno iure Ecclesiæ subjicitur: vt est Abbas in Monasterijs & Ecclesijs sibi subiectis: vt sunt etiam Praepositi provincialiis in Ordinibus Mendicantibus, quod atinet ad Collegia, conuentus & Ecclesiias. Ita Cardinalis in cap. Statutis de Transact. Sufficit itidem, vt unus tantum præcedat tractatus. Nomine vero Collegij intelliguntur Canonici Ecclesiæ Cathedralis, vel Collegiales, vel Clerici, si communiter in Ecclesiis vivant, hoc est, si Collegium faciant, cui unus præstet. Præterea, teste Panor. in c. De his qua sunt à Prelato, subscriptio Clericorum necessaria non est, nisi in causis ipso iure expressis, quoniam sufficit consensus in quocumque contractu, nec scriptura requiritur, nisi ubi Lex vel Canon depositit. leg. patr. C. de Pactu. Vnde Aretinus ait in cap. Sine exceptione 12. q. 11. In alienatione rei Ecclesiastica subscriptio necessaria non est, nisi in tribus casibus, venditione, permutatione & donatione. Dubium est, de consensu Canonicorum vel Clericorum, an sit necessarius omnino: Ex e. Hoc ius. Et cap. Si quis Episcopore, c. Alienatione, c. Abbatib. c. Sine except. 12. q. 11. necessarius est: Sed pro varietate Ecclesiarii variæ sunt consuetudines introductæ. At cum res est patua, & necessitas erget, potest episcopus sua auctoritate alienare. Et Terrulas. 12. q. 11.*

Quinto queritur, Quæ sunt bona Ecclesiæ, quæ alienari nequeant, nisi ex causis iure permisæ, & seruata ipsius iuris formula? Communis est omnium sententia in cap. Nulli. de rebus Ecclesiæ alienand. bona esse immobilia: item alienari non possunt, quæ seruari commode queunt, & seruata fructus ferunt. ut colligitur ex l. Lex. Et l. Tutores 2. C. de Administ. tut. Et cap. Tua. de his qua sunt à Prelatis. At quæ sunt illa, quæ seruari possunt? Ait Glos. in l. 1. C. Si aduersus usuras, ea esse, quæ triennio non pereunt, & adhuc seruata fructus edunt. Quare, quæ vnu consumuntur, talia non sunt, vt mel, frumentum, vinum & oleum, & cæteri similes fructus. De pecunia dubitan quidem, An de numero sit earum rerum quæ seruari possunt. Panor. in c. Nulli. negat esse, quia retenta & seruata, fructus non parit. c. Emens. dis. 88. Et gl. in l. Cumplures. ff de Administ. tut. hoc tamen locum non habet in Ecclesiæ pecunia, quæ ad bona immobilia emenda destinata est: hæc enim pro re immobili habetur, ac proinde nequit alienari. Atq; hinc est, vt quidam merito dicant, quando statuto aliquo cauetur, ut mulier lucretur dimidiæ partem bonorum viri sine liberis decadentis, lucrificat sibi dimidiæ partem pecuniam iam ante destinata ad res immobiles emendas, quoniam talis pecunia inter immobilia bona computatur. Bald. vero in l. Celsus, §. vlt. ff. de leg. 2. negat, talem etiam pecuniam in bonis immobiliis habendam, atq; hoc probat ex l. In fundo, §. si fundus, ff de iure dot. quod quidem ego verius existimo, quoties de re poenali & odiosa tractatur, & quoties statuta aliquid contra ius commune decernunt: quoties vero de re quæ ad fauorem, gratiam, & pie-

tatem pertinet, tunc talis pecunia inter immobilia bona computari potest. Huiusmodi est ultima testatoris voluntas, & fauor ecclesiæ. Pecunia vero ecclesiæ ad rem immobilem emendam destinata tunc est, cum superioris auctoritate, & Clericorum consensu ad id retinetur, & seruat: vi si superior Collegij adhibito. Clericorum consensu hanc autillam pecuniam summan referuntur decreuerit, ut ex ea res immobiles emanentur.

Sexto queritur, An iura, actiones, & nomina debitorum immobilia bona cœnstant? Ait Panormit. in citato e. nulli, proprie nec esse mobilia, nec immobilia bona: quia talium bonorum appellatio locum tantum habet in his, quæ certo loco continetur: nam mobile dicitur, quod potest loco moueri: & Immobile, quod corpus cum sit, certo loco contentum, inde moueri non potest. I. Monitum, ff. de verbis. Et ror signif. Actiones vero & iura, cum sint incorporelia, loco nomine continentur. Unde juris consultus, actiones & nomina debitorum tanquam tertiam speciem ponit, in l. A diu Pio §. In venditione ff de senten. Et reindic. Quare in testamentis, appellatione bonorum mobiliis, vel immobiliis, nomina debitorum non veniunt, eo quod in testamentis verba sunt propriæ accipiental. Qui heredit. ff de cond. Et demonstrat. Et propterea consilium dedit Oldad. & se quoque dedit Panormit. testatur, in testamento quo quidam Princeps bona sua mobilia in piros vsus distribuenda reliquerat, eorum bonorum vocabulo non continebat poenam, Principi quidem debitas, sed nondum exactas & solutas.

Aliquando tamen necesse est (subiectu Panormitan.) vt actiones ad bona mobilia & immobilia reuocentur, quia ultima voluntas testatoris voluit comprehendere totum patrimonium, licet fecerit mentionem duntaxat de mobiliis & immobilibus bonis: tunc enim locum habet opinio Glosæ. Actiones ad res mobiles, inter mobilia bona haberi: actiones vero ad res immobiles, inter immobilia. Eadem ratio est de seruitutibus, & quocumq; alio iure incorporali, qualis est annuus census perpetuus. Vnde in Clem. Existi. de verb. signif. § cumq; anni, habetur: Censu & redditus annui, inter bona immobilia computantur.

Ex quo perspicitur, An superior possit absq; iuris formula, & causis iure permisæ remittere, vel vendere, vel permutare actionem, quam ad rem aliquam habet Ecclesia.

Septimo queritur, An bona mobilia Ecclesiæ, si pretiosa sint, alienari possint: sine formula solenni juris, & extra causas iure permisæ: Respondet non posse, ut videlicet probat Panor. in c. Tua. de his qua sunt à Prelatis: quia hoc colligitur ex l. Lex quatuor. C. De administr. iutorum, Et ex Glosa in cap. Episcopus qui mancipatum, 12. quasi. 11. computantur: inter immobilia bona. Quo sit, ut quemadmodum immobilia bona alienari nequeant, nisi ex causis iure concessæ, & seruata ipsius iuris formula: sic etiam pretiosa bona, quamois mobilia alienari non possint: eu iusmodi sunt aurum, argentum, gemmae, vestes, vasa, & ailia similia pretiosa.

Octavo queritur, An alienatio rei Ecclesiastica sine formula iuri, & extra causas ipso iure concessas valeat? Duo in dubium vocantur: Primum est, An in iudicio valeat: de quo sunt duæ sententiae: nam plerique arbitrantur, eam esse irritam, & inanem in iudicio, nam formula iuris dat esse rei. ut colligitur ex c. Tua. de his qua sunt à Prelatis. Item extra causas iure permisæ, nullum est momentum alienationis, planum est ex cap. Nulli. de Rebus Ecclesiæ alienan. nam alienatio rei iure prohibita, nisi in causa permisso, in iudicio non subsistit. Non dubium C. de legib. Et cap. Ea qua. de Regul. iuris in 6. Alij volunt, ratam esse, etiam in iudicio, alienationem rei Ecclesiasticae, praetermissa formula iuris, in causis tamen iure permisæ. Sic Glosa. Sine exceptione, Et in summa, 2. quæst. H. & Archidic. conus ibidem, dicens, alienacionem quidem valere: sed si Ecclesia noquerit, rescindendam, & in suum ius restituendam Ecclesiæ. Prior opinio est magis recepta.

Secundum est, An in foro conscientia sit rata & firma

hæc

hæc alienatio? Quidam negant. Sed communis habet sententia, eam valere, si reuera omni fraude & dolo vacuerit, hoc est, si in casu iure permisso, & auctoritate superioris, & eorum, quorum interest, consensu res alienetur, quamvis prætermissa formula iuris. Sic Butrius in ca. *Plerique de Immuni. Ecclesia. & Panormitanus ibidem, &c. in cap. Requisitus. de la integrum restitut. vbi generatim docet, omena contractum in foro conscientia ratum esse & firmum, si in eo fuerit seruatum, quod ius naturale prescribit: hoc est, si consensu eorum, qui contrahere possunt, accepterit, & res alioqui alienari queat, quamvis non fuerit formula iuris seruata: Et pro hac sententia citat idem Panormitanus Innocentius in ca. *Quapropter. de elect. dicentem: Si electio iure naturali valer, qualis est ea, in qua ad eum consensu eorum, qui habent eum eligendi, & eligitus es, qui est alioqui aperte & idoneus, in foro conscientia est rata & firma, quamvis in iudicio sit irrita, eo quod in ea desideratur scripti iuris formula. Nam ius, inquit Innocentius, scriptum solemus formulas eligendi & contrahendi constituit, ut omnem dolum & fraudem submoveat: ac propterea electus sine dolo & fraude sese in foro conscientia beneficio, dignitate, officio abdicare non cogitur. Hinc etiam perspicuit, quid sit de eo iudicandum, ad quem res Ecclesiastica predicto modo alienata peruenierit, debetne illam in foro conscientia restituere. Nam si reuera peralienationem sine dolo & fraude factam eam acquisierit, retinere potest tuta conscientia, tametsi in alienatione fuerit scripsi iuris formula prætermissa.**

Nono queritur, An si superior qui iurauit se bona Ecclesia non alienaturum in consulo Romano Pontifice, rem aliquam Ecclesiæ alienet seruata quidem Iuris formula, & in casu ipso iure permisso, sed Papa in consulo, valeat talis alienatio? Duo hic queruntur. Primo, An talis superior lecite rem Ecclesiæ alienet. Secundo, An si alienauerit, alienatio subsistat. Quod ad primum attinet, non est ignorandum; vñ Curia Romana esse receperunt, vt Praefules Papæ auctoritate creati, confirmati, consecrati, iurent se suarum Ecclesiæ bona non alienatores ex minime consulo: *vt ait Glossa c. vlt. de Ecclesijs adifican. & ca. Vt super. de rebus Eccles. alienand. Imo etiam dicti Praefules id iurasse minime probentur, iurasse nihilominus putantur, teste Nauarro in Commentario de alienatione rerum Ecclesiæ, n. 12. Nam quæ fieri solent & debent, facta esse creduntur. l. vlt. de Fidei suff. quod etiam locum habet in ijs, qui à Papa confectionem non accipiunt: satis est si ab eo instituantur, aut confirmentur, vt dicam inferius.*

Hoc posito primum, quod querebatur, est, An tale Praefulum iurandum, intelligatur solum de rebus Ecclesiæ non alienandis extra casus licitos, & sine formula iuris. An vero etiam in causis alias licitis, & seruata quoque iuris formula? Dux sunt opiniones: Una est alienatum solum intelligi de non alienandis rebus extra casus predictos, & præter formulam iuris id probat *ex libro primo, titul. 6. de Feidis*, ex quo patet, Praefulum Ecclesiæ, qui iurauit non se in feudum denuo daturam res Ecclesiæ in scio Romano Pontifice, posse nihilominus rem prius feudo datum, & ad ipsam Ecclesiæ deuolutam denuo dare. Deinde in cap. *vlt. de Ecclesijs adifican.* habetur, posse Praefulenti iurecurando nihil impediens de rebus Ecclesiæ non alienandis, nouam Ecclesiæ extruere, quæ iure alioqui est ædificanda ob populi frequentiam noua Ecclesiæ indigentis: licet ob ipsum Ecclesiæ ipsi commissa deftulit, & detrimentum pati videretur. Et in cap. *Vt super. de rebus Eccles. alienan.* posse Praefulm commutare sua Ecclesiæ possessiones minus viles pro utilioribus Canonorum consilio & assensu. Et *Glossa in verbo Assensu, ibidem recepta à Calderino in consil. 7. eodem titulo. & à Federico Semensi consil. 210. sentire videtur, cum qui iurauit non se alienaturum res Ecclesiæ, posse nihilominus res inutilles alienare.*

Altera sententia est affirmantium, talem esse periu-

rum res suæ Ecclesiæ alienantem, etiam in causis quas Iura concedunt, & seruata iuris formula, sine Pontificio tamen consensu. Atque ita ratiocinantur: Primum quia tale iurandum aliiquid operatur: nam si tantum ad licitas alienationes traheretur, nihil operaretur, sicutdem, nullo etiam interueniente iurecurando, prohibetur alienare.

Deinde iurandum, quo Artistes sue Praefulus Ecclesiæ promittit, se simpliciter non alienaturum Papa in consulo, licitum est, ergo id seruare debet. Nam omne iurandum, quod licite seruari potest, est implendum, cap. *Si vero, de Iurecurando. & cap. Quamvis de pacia in 6. præterea multa, quæ utiliter ac licite fieri possent, prohibentur tamen, vt res cautius fiat. cap. aduersus de immunitat. Ecclesia. non fecerit ac Clerici licite aliquid in communione conferre etiam ad necessitates Laicorum subleuandas, quod tamen contra Pontificium assensum non licite facerent; ob id scilicet, vt cautius fiat. sic Ioannes Andreas c. ultim. de Ecclesijs adifican. post Hofstensem p. 1. De ijs que sunt à prælatis, ac etiam Abbas in cap. vlt. de Ecclesijs adifican. num. 7. vbi dicit, hanc sententiam esse communis consensu receperant. Horum sententiam probabilem existimo: nam in Constitutione Pauli II. *qua incipit Ambitiose, inter Extravagantes communes deribus Eccles. alienand. posse constituantur in eos, qui alienauerint extra caulas a lute probatas, vel sine Romani Pontificis consensu: vbi particula disiunctiua ponitur, quæ vt vera sit, solon requirit alterius partis veritatem, lega plerumq. ff. De Inre Dotuum, & ca. in alternativis, de Reg. Iur. in 6.**

Quod ad secundum attinet, An scilicet si superior alienauerit, rata & firma sit alienatio? In qua re sunt due opiniones, una affirmantium illam valere in causis lute permisissis, & seruata quoque formula iuris, vlo etiam sine Pontificis consensu. Sic Iason in l. *Ea lege, nn. 23 ff. de verbis oblig.* vbi allegat Innocentium, & alios communis consensu docentes, quando aliquid sit contra iurandum interpositum, periurum quidem admitti, sed factum valere, vt colligitur ex cap. *Sicut ex litteris. & cap. De illis, de fonsalib. & cap. 1. De sponsa duorum.* Item testamentum secundum subsistit factum ab eo qui iurauit, se non renocaturum primum. Bartol. in l. *Si quis, in principio ff de lega. 3.* Si quis etiam Procuratorem reuocauerit, tametsi contra iurandum, quo promisit se illum non renocaturum, valet reuocatio, quamvis ille periurus sit: *in c. vlt. de procuratorib. in 6. Adhæc, qui iurecurando promiserit se rem aliquam venditum, aut locatum donaturumve Titio, & nihilominus vendiderit, vellocauerit, donauerit Caio, valet venditio, locatio, vel donatio, si factum sit ea res ad Caium translata, & Titio nondum tradita, Imol. in ca. Cum contingat, de iureixerit.*

Hac in re, vtendam nobis distinctione est. Aut enim loquimur secundum Iura antiqua ante dictam Pauli II. Constitutionem: At tunc cum queritur, An valeat alienatio in iudicio, sunt duas opiniones, vt dictum est, quarum ea quæ negat valere, probabilior est, quoniam inter alia quæ ad formulam in alienatione seruandam Iura postulant, vnum id est, vt res alienetur consulo Pontifice: at in foro conscientia, vt etiam superiori questione indicauimus, valet alienatio, quod ius naturale prescribit impletum. Aut loquimur secundum Ius nouum editum à Paulo II. in ea constitutione, scilicet *Ambitiose, prefata;* & tunc planum est nullius esse momenti alienationem, cum in ea Constitutione dicatur: *Si quis autem contra huius nostra prohibitionis feriem de bonis & rebus eisdem quicquam donare presumperit, alienatio, hypotheca, concessio, locatio, conductio, & infundatio nullius omnino sit roboris, vel momenti. Ita Constitutio. Quarætaliquis, An etiam in foro interiori sit iurita alienatio, cum quis alienat in causa lute permisissis in consulo Pontifice, cuius alioqui consilium, & consensus erant requirenda, putans bona fide posse alienare? Respondet Nauarrus, Commentario citato, num. 17. cuius ipsa proba sententiam, alienationem non esse irritat: quia vt*

dixi, quando contractus solummodo carer iuris scripti formula, dummodo continet, quod ius naturale postulat seruandum, valet in foro conscientię. Si quis etiam querat, An quando Præsul expreßum iurauit se non alienaturum sine Pontificis assensu, & tamen alienat bona fide, si videlicet iurisfundandi oblitus, subsistat alienatio in foro conscientię interno? Subsistit, quia in ea seruatum est ius naturale, quamvis non ius scriptum: & præsul, qui sic alienat, & à periori, & à pœnis in Constitutione superioris nominata, interrogatis, liber est. A periori quidem culpa, quia proflus immemor iurisfundandi alienauit: à pœnis vero, quia in Constitutione dicitur: *Si quis autem quicquam alienare præsumperit: at is non creditur quicquam ex præsumptione fecisse, qui per ignoriam, vel opinionem probabilem & iustum aliquid facit.*

Decimo quæritur, An qui alienat domum, bona fide tamen pensione in perpetuum soluenda, quanta percipi solet quotannis ex eius locatione, peccet prætermittens in eam locatione formulam Iuris Ait *Navarrus Commentario allato n. 18.* & recte quidem, cum minime peccate, quia solam scripti iuri formulam omittit iure naturali seruato: nam quod attinet ad cauas, quas Iura concedunt, illarum una, hæc in tali alienatione reperitur: ut si conditio & res Ecclesiæ facta est melior: cum libera sit Ecclesiæ à cura & difficultate reficiendi & muniendo domum, *ut notatur in l. 1. & 2. C. de peric. & commode rei vendita, & docet Ias. in l. 12.13. & seq. C. De Iure emphyteut.*

Vndeclimo quæritur, An superior possit cedere iure exceptionis Ecclesiæ conuenienti, aut transfigere cum cuiusdam damno ipsius Ecclesiæ? Respondeo, *cum Panor. in c. primo, de Deposito*, minime, quia ius excipiendi quod habet Ecclesiæ, est aliquid ius, ergo non potest superior eo iure cedere: nam ex ipso quod cedit, alienat ius ad rem. Et hoc locum habet, quando est ius excipiendi in re immobili, aut quæ pro immobili habetur, de qua litigatur. Item Transfatio non est nisi de religione, dubia & incerta: ergo superior transfigere nequit, nisi gratia maioris utilitatis: nam qui transfigit, lite cedit & cauā.

Duodecimo quæritur, An superior possit repudiare rem immobilem Ecclesiæ legatum: Ratio dubitabit est, quia dominum relegate Ecclesiæ acquiritur, etiam ignorantil. *Cum pater. §. Surdo. ff. de Legatis 2.* Item in simili pupilli non potest repudiare fundum sibi legatum, cum rem suam alienare nequeat. *I. Magis. §. Fundum. ff. de rebus commissis.* Panorm. in c. Tua, de iis que sunt à Prelatis: at hanc questionem esse dubium. Federicus Senensis consil. 8. credit fas esse superiori repudiare, quia non est idem, lucra non capere, quod quæsita perdere: non est idem, non acquirere, quod acquisitus relinquere. *I. S. I. ff. Si mariatus. ff. de donation. inter virum & uxorem.* Et dominum rei legata non acquiritur Ecclesiæ, donec ipsa consentias, & ratum habeat. Paulus Castr. in consil. 11. negat posse superiori repudiare legatum, posse tamen donationem. Ratio, inquit, veriusq; est, quia res donata non acquiritur donatio ignorantis, sed volentis: at vero res legata acquiritur ignorantibus, quamvis cum rescierit, possit repudiare. Ac proinde in legato sufficit solum testatoris factum: ut colligitur ex I. Magis. & I. Cum pater. sapr. cit. Angelus, & Author Rosellæ hoc quoque refutat, eo quod res donata ecclesiæ sub modo, statim si ipsius Ecclesiæ nec revocatur non seruato modo, nisi hoc in contractu fuerit expressum: ergo tam in re donata, quam legitima, dominum statim acquiritur ecclesiæ ignorantis. Et hac est probabilius opinio.

Decimotertio quæritur, An præsul qui iurauit non se alienaturum res Ecclesiæ in consulto Pontifice, possit nihilominus alienare res modicas? Respondeo, *cum Ab. in c. v. de Ecc. edif. n. 9.* posse: idq; probat ille ex c. *Terrulas 12. q. 11.* vbi episcopo facultas conceditur alienandi res minimas etiam sine consensu & consilio fractum. Non enim iurandum tam arcta & angusta interpretari debemus, vt res etiam minimas trahatur.

Decimoquarto quæritur, An Legatus a Latere, facultatem concedere queat alienandi contra iurandum? Negat Panor. ibi. n. 10. *secutus Speculatorum*, posse: nihil enim iuris & potestatis habet in his, quæ Romanus Pontifex sibi in vi referuavit: *vt deducitur ex c. Quid translationem, de officio Legati.* hoc autem solummodo locum habet in eo qui iurauit non se alienaturum citra Romani Pontificis consensum: non in eo, qui iurauit non se alienaturum citra consensum alicuius ipso Papæ infectoris Antistitis: Nam cum Legatus a Latere in prouincia sibi demandata ordinatiam habeat potestatem, potest id concedere, si quidem iurandum non est Præsuli factum tanquam priuata persona, sed ut publico officio ratione dignitatis fungenti.

Decimoquinto quæritur, An tempore tantæ necessitatis, ut Romani Pontificis habeti nequeat consensus, possit Episcopus alienare, tametsi iurauit se non alienaturum, nisi eo consentiente? Potest alienare: Sic enim tradit Panorm. ibid. n. 8. probans argumento *sumpio exl. Tutor, in Repertorio ff. De administrat. & periculis ororum.* Vbi habetur, causa necessitatis possit tutorem inuentario minime confessio administrare pupilli bona. Pari ratione, inquit, possent alienari bona Ecclesiæ, formula Iuris minime servata, si tanta necessitas virget, quæ temporis moram non patiatur.

Decimosexto quæritur, An qui iurauit non se alienaturum res Ecclesiæ, vel non daturum pignori, nihilominus possit fructus præditorum, vel possessionum vendere, vel locare ad decem, vel viginti annos? *Glossa cum alijs in leg. pen. §. Inßituto de lega. 2. inxxia Panor. in ca predicto, censet eum,* qui prohibetur rem alienare, tuto posse locare fructus eius etiam in centum annos. Cuius opinionem reijicit Glossa communis consensu recepta in Clem. I. de Rebus Ecclesiæ non alien. Panor. ibid. respondet hunc in modum: Qui vendere prohibetur, potest pignori dare. Item qui prohibetur, emere in certo loco, potest nihilominus pignus accipere. Qui vero prohibetur rem alienare, potest ad modicum tempus fructus locare, non tamen ad longum, *ut habetur in Clem. I. de rebus Ecclesiæ non alienan.* Profecto si, remoto iure Canonico de rebus ecclesiasticis non alienandis, loquamur de alijs rebus non eo ipso quo quis rem immobilem alienare prohibetur, illius fructus ad breue, vel longum tempus locare prohibetur: quoniam locatione rei dominium ad conductorē non trahit & alienatio proprie sumpta est actus quo transfertur dominium rei.

Decimoseptimo quæritur, An iurandum simpliciter adhibitum, de rebus Ecclesiæ non alienandis, ad alienationes illicitas tantummodo trahatur: Respondeo, *cum Panor. in dicto ca. vls. de Ecclesiæ adiſcan. n. 3.* ad eas tantummodo iurandum esse trahendum. Vnde Superior, qui has ratione iurauit, potest nihilominus alienare necessitatis causa, & utilitatis, ut iura ipsa concedunt, eo quod iurandum in materia iuris interpositum, restringitur ad ipsius iuris terminos: nam pari ratione Episcopus, qui iurauit sein Ecclesiæ sua perpetuo commoraturum, potest nihilominus abesse, si id Ecclesiæ necessitas, vel utilitas postulat.

## CAP. II.

### De eadem re aliae questiones soluuntur.

A nimaduendum est, Paulum II. edidisse Constitucionem, qua habetur inter Extravagantes communes, de reb. Ecclesiæ non alienand. vbi primum prohibettes ecclesiarum alienari, & deinde tam in eos, qui alienata bona recipiunt, quam in eos, qui alienant, pœnas constituit. Constitutio sic habet: *Ambitus & cupiditatis illorum principie qui diuinis & humanis affectati, damnatione postposita: immobilia, & preiosa mobilia Deo dicata, ex quib. ecclesiæ Monasteria, & pia loca reguntur, illustrantur, & eorum ministri sibi*